



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Res.

Biogr.

903

8.4.

0





Biegr. 903.

# DE VITA

ET SCRIPTIS C.

PLINII QVAEDAM, PRAE

FATIONIS LOCO RECITA

ta à Paulo Ebero, auspicante ex

plicationem secundi li

·bri Naturalis Hi

storiae:

VI. Februarij.

Anno 1556.

ADDITAE SVNT DVAE

Epistolae Plinij iunioris, de luctu

brationibus & morte Plin

nij Auunculi.

WVITEBERGÆ EXCVDEBANT

HÆREDES GEORGII

RHAVV, ANNO

M. D. LVI.

( 17 )

17



IE MONET GRÆ-  
cus senarius : ἀρχὴν  
ἁπάντων καὶ τέλος  
ποιεῖ θεός. Sit actio-  
num principium &  
finis Deus,

Vt uidelicet & aus-  
picientes aliquid noui , auxilium Dei  
imploremus , & actiones nostras o-  
mnes dirigamus ad glorificationem Dei,  
& ad obedientiam, quam ipse requirit,

Cum igitur diu à Scholasticis ope-  
ris non sine dolore abfuerim , & nunc  
nonnihil à mandatis laboribus leuatus,  
libenter ad prælegendi munus redeam,  
æquissimum est , nos orare Deum , ut  
hoc institutum nostrum ipse fortunet,  
& adiuuet nos, ut hic docendi & discen-  
di labor sit fœlix & utilis nobis & Eccle-  
siæ , cui præcipue seruire studia nostra  
debent : Concedat etiam nobis tran-  
quillitatem , ut colere pia studia & ex-  
ercere cum fructu diu possimus. Vt  
enim apiculæ euolare pastum & colligere

A ἥ gere



gere roris succum, ac inde dulcissimum mellis liquorem stipare nequeunt, quando aër uentorum procellis & imbribus turbatur, sed in alueolis suis conclusæ mœstum ocium agunt: Ita si tumultus & bella existant, studia discipulorum impediti necesse est. Auditis autem quotidie pias commonefactiones Præceptorum, qui multo iam rerum usu edocti, longius prospiciunt, & ex multis coniecturis non fallentibus ostendunt se metuere magnos in Germania motus, quos ut auertat Deus, aut saltem in illis Ecclesiam & discipulorum cœtus tueatur, assidue orabunt, quibus & sua & Ecclesiae salus ac incolumitas curæ est.

Hæc initio breuiter præfari uolui, ut nos omnes nostri officij commonefacerem.

Iussus sum autem ex triginta septem libris Plinij Secundum explicare, quem, etsi sciunt Præceptores nostri erudito commentario adeo illustratum esse, ut interpretis operam non requirant,

rat, tamen quia uolunt & Plinij libellum, & hunc ipsum commentarium in manibus discentium uersari, censent eum subinde in Scholam reuocandum esse. Decet autem discipulos reuerenter amplecti præceptorum iudicia, & statuere, graues illos sui consilij causas habere, quare quidq; iuuentuti publice proponant, etiamsi eas causas per ætatem perspicere ipsi nondum possunt. Spectant autem præcipue hoc præceptores nostri, ut iuuentus certo ordine, & quasi per gradus ab inferioribus artibus ad cognatas & superiores traducatur, & eos præcipue libellos, qui artium breues quasdam & eruditas summas continent, euoluat. Vident enim eam ætatis iuuenilis imbecillitatem & inconstantiam esse, ut etiamsi admonita de ordine, utiles libros legere incipiat, tamen mox oborto tædio, aut oblato alio scripto, quod magis allicit, nondum perlectos illos libellos, qui artium summas & methodos tradunt, A iij abijciat,

abijciat, atq; ita cum dispendio temporis & exiguo fructu uagetur per uarios Scriptores, & nullum familiariter & integre pernoscat, quæ discendi ratio cum perniciosissima sit, recte consulere nobis præceptores existimandi sunt, eum hac ratione discentes in certorum scriptorum lectione continere student, quibus nos decet reuerenter obtemperare.

Vt autem huius libelli Pliniani lectio uobis gratior fiat, paucissima de totius operis & huius secundi libri summa dicam: Postea quædam de authore ipso afferam, ut solet in inchoatione nouorum librorum fieri. Postremo, si tempus feret, addam quædam ad commonefaciendos auditores, exemplo auctoris huius, ut eam præstent sedulitatem in studiis suis, quam & alios audierint adhibuisse, & horum temporum ratio flagitat.

Totum opus Plinij, quod continet libros XXXVII, titulum habet: Historia

storia mundi, siue Historia naturalis. Quia uoluit Plinius Romanis suis in hoc opere exponere uniuersa illa, quæ Græci scriptores ingentibus & penè infinitis libris de mundo ipso, & partibus eius præcipuis, imò minutissimis quoque, scitu & obseruatione digna tradiderunt, sicut gloriatur ipse, se ex centum scriptoribus, perlectis eorum bis mille uoluminibus, hæc in unum hoc opus comportasse. Vtus est autem in tanta uarietate & propemodum infinitate rerum annotandarum, ordine optimo, ex quo ipso hominis excellens ingenium & diligentia æstimari potest. Est enim ordinis obseruatio in omni actione præcipuus ingenij ac iudicij index.

Scitis mundum diuidi, ut non à summo exordiar, in corpora simplicia, & ea, quæ ex mixtura simplicium, hoc est, Elementorum, conflata sunt.

Simplicissima corpora mundi sunt, & nulli mutationi obnoxia, Cælum & partes cœli, stellæ uidelicet partim in-

A iij errantes,

errantes, quæ omnes in una quasi machina simul circumrotantur, partim suis quibusdam liberis gressibus, certissimis tamen, uagantes, quæ planetæ dicuntur.

Alia sunt corpora mundi minus simplicia, minusque durabilia, sed in perpetua transmutatione constituta, quæ στοιχεῖα, elementa dicuntur, ex quibus inter se certa ratione iunctis, alia existunt corpora, quæ ideo mixta uocantur.

Mixtorum autem uarij sunt gradus. Alia enim leui & imperfecta elementorum transmutatione ita fiunt, ut facili momento rursus dissiliant, & ad suam originem redeant. Ea quia ferè in sublimi, hoc est, in hoc ingenti aëris tractu existunt, μετέωρα, Græcis, uulgò impressiones nuncupantur.

Alia mixta eiusmodi sunt firma elementorum iunctura coagmentata, ut diutius consistant, quæ propterea perfecte mixta appellantur, quorum alia  
prorsus

prorsus sunt omnis uitæ expertia, quæ  
ἄψυχα, inanima dicuntur, ut sunt lapides, metalla, gemmæ.

Alia uitalem quidem uim quamdam intra se habent, qua nutrimentum conueniens attrahunt, & sese in omnes partes crescendo extendunt ac dilatant, ac semen aliquod producunt, ex quo eiusdem speciei alia enasci possint: sed motu & sensu carent, ideoq; ἐμψυχα, quidem & φυτὰ, hoc est, animata & plantæ, sed nondum ζῶα, uocantur.

Perfectius uiuunt ea, quæ præter nutriendi uim etiam sensum & motum habent, quæ iam ζῶα, animalia dicuntur, quorum una species ratione est prædita, quam facultas sermonis & alia quædam excellentia dona comitantur. Cætera animalia, quæ ratione, ideoq; etiam sermone destituuntur, ἄλογα, bruta uocantur. Atq; ita fiunt quinque mixtorum gradus, quorum alius alio perfectiores res continet. Primus habet μετέωρα, Secundus ἄψυχα, Tertius φυτὰ

A v plantas,

plantas. Quartus ζῶα ἄλογα, bruta.  
Quintus λογικόν animal, hominem.

Hanc distributionem rerum in natura, quæ sunt corpora & mundi partes sensibiles, intuens Plinius, omnium earum naturas & vires explicare hoc opere instituit, & in hoc secundo libro, qui uerè totius operis primus est : (Nam quem ipse primum uocauit, tantum est index & Catalogus, recensens singulorum librorum & capitum summas & argumenta) In hoc secundo libro inquam, mundi totius molem, corpora simplicia, cælum & elementa describit, & qua sit figura mundus, depingit, & docet, quos & quam uarios incessus stellæ errantes habeant, indicatis singularum proprietatibus.

Deinde Elementorum seriem recenset, & primum, quæ in aëre gignantur Meteora additis historiis, ubi & quando non sine significatione futurorum euentuum sint inusitatae species in aëre uisæ.

Postea

Postea terræ, aquarum, & ignis proprietates, miracula & uarias mutationes exponit, & in fine libri, totius terreni globi mensuram indicat. Hæc est summa & argumentum huius secundi libri, ut breuissimis comprehendam & repetam, descriptio earum partium mundi, quæ simplices uocantur, hoc est, cœli & elementorum, quibus adiungit primum mixtorum corporum gradum, quæ cæteris imperfectiora, à loco, in quo fiunt, Meteora diximus uocari.

Absoluta iam maxima & præcipua parte Mundi, cœlo & elementis, & imperfecte mixtis, hoc est, Meteoris, restabat, ut de cæteris mixtorum corporum gradibus diceret Plinius, quæ in Elementis ac præcipue terra & aqua degunt. Sed quia semel est terreni globi instituta descriptio & mensura in hoc secundo libro, erat hoc Plinio etiam addendum, ut superficiem terræ, & amplitudinem maris explicaret, quæ Elementa duo unum globum constituunt,  
& se



& sedem omnibus cæteris mixtorum generibus præbent, Ideo distribuenda fuit terra summa, quæ ab animalibus incolitur, & omnis generis plantas profert, in certas regiones, & singularum situs & amplitudo indicanda. Hanc orbis habitati descriptionem Geographicam absoluit Plinius quatuor libris sequentibus hunc secundum, & in duobus primis, hoc est, tertio & quarto, Europam; in quinto Africam; in sexto Asiam pingit.

Ita iam extructo quasi domicilio uniuerso, hoc est, cœlo & elementis, quæ hospitium præbent rebus cæteris, incipit Plinius explicare reliquorum mixtorum naturas, quorum diximus adhuc restare quatuor genera, uidelicet ἄνθρωποι, φυτὰ plantas, ζῷα ἄλογα, & hominem. Sed mutato ordine, instituit primum explicationem nobilissimæ & perfectissimæ naturæ, Hominis uidelicet, in cuius descriptione consumit totum septimum librum, lectione dignissimum. Deinde

Deinde explicat naturas animalium  
brutorum quatuor libris sequentibus  
septimum: hoc uidelicet seruatō ordine,  
ut in octauo libro commemoret ani-  
malia terrestria, in nono aquatilia, in  
decimo uolatilia, in undecimo ea, quæ  
ἐντομα, latine insecta nominantur.

Restant Plantæ, quarum cum ma-  
gna sit uarietas, consumit in earum enu-  
meratione octo libros, à duodecimo  
usq; ad uicesimum. Deinde ut diligen-  
tius monstret etiam occultas uires, quas  
Plantæ habent, à uigesimo libro usq;  
ad XXVIII, octo uoluminibus quarit  
medicamenta, quæ ex plantis confici  
possunt, ad depellendos certos morbos  
& uicia corporis.

Adiungit deinde alios V. libros, in  
quibus remedia indicat, quæ ex anima-  
lium partibus sumi possunt, idq; agit  
usq; ad librum tricesimum tertium, ubi  
tam explicatis omnibus mixtorum gra-  
dibus, uno excepto, reliquos V. libros  
usq; ad finem operis, consumit in descri-  
ptione

ptione earum rerum mixtarum, quæ  
omni quidem uita, sed non suis pecu-  
liaribus uiribus carent, ut sunt Meta-  
la, Lapides & Gemmæ, & earum quoque  
rerum multiplicem usum ac ἐνέργειαν;  
quas in medicatione morborum ha-  
bent, simul indicat.

Hæc est summa & hic ordo libro-  
rum in hoc Pliniano opere, quo totius  
mundi domicilium, & postea res in illo  
contentæ, artificiose & luculenter de-  
scriptæ sunt, quod opus profecto &  
propter rerum ac historiarum, quas  
continet, uarietatem, & propter uoca-  
bulorum immensam copiam, magnifica-  
ciendum, & singulari cura ac diligentia  
cognoscendum est ei, qui non prorsus  
omnium rerum ignarus & infans esse  
uolet. Ac uerè potest hoc uolumen ap-  
pellari Thesaurus, non rerum solum  
longa experientia obseruatarum, &  
cognitione dignarum, uerum etiam  
linguæ Latinæ. Nisi enim Plinius no-  
bis rerum tot appellationes reliquisset,  
de

de multis necessarijs partibus uitæ communis loqui latine non possemus.

Sed non est huius loci aut instituti, commendationem totius operis hic proponere. Sufficiat seriem librorum & singulorum argumentum paucis indicasse, ut ad quam partem Philosophiæ referri debeat hoc scriptum, intelligi facilius possit.

Nunc pauca de ipso authore adiiciam, ut quo tempore uixerit, & quis fuerit cognoscatis, quæ narratio cum sit nobis occasionem præbitura cuiusdam necessariæ hoc tempore admonitionis, æquum est, patienter uos eam audire, Idque ut faciatis, etiam oro.

Plinius secundus Nouocomensis fuit. Comum autem Italiæ Transpadanæ oppidum est, non procul à Mediolano ad Larium lacum, qui nunc ab hoc ipso oppido der Chumer sech appellatur. Alij Veronensem eum faciunt, moti hoc argumento, quod Catullum, quem constat Veronensem fuisse, suum conterraneum uocat. Natus est autem, ut colligitur

colligitur anno decimo Imperatoris  
Tiberij, seu, post mortem Augusti,  
quo tempore Dominus noster IESVS  
CHRISTVS iam natus, et agens annum  
ætatis uicesimum, sextum, adhuc sub cu-  
ra & disciplina parentum erat, nec dum  
ministerium suum publice inchoaue-  
rat. Fuit autem is annus natalis Plinij,  
sexagesimus quintus post interfectum  
M. Ciceronem, quintus annus post  
mortem Germanici Cæsaris, Titi Liuij  
Historici, & P. Ouidij Poetæ, qui tres  
præstantes ingenio, & multis alijs donis  
uiri, eodem anno obierunt. Eo tem-  
pore illa orationis Latine puritas & ele-  
gantia, & compositionis ratio, quæ fue-  
rat Ciceronis ætate, iam nonnihil erat  
studio nouitatis, ut solet, immutata in  
horridius quoddam & concisius dicen-  
di genus, quale in huius authoris scri-  
ptis cernere licet, qui tamen ubi adoles-  
uit, etiam causas in foro egit, & libros  
de Grammatica conscripsit. Vixit aut  
seculo omnium quæ fuerunt, credo,  
corruptis

corruptissimò, ubi non modo legibus  
scelera, ac præsertim libidines, non co-  
hercebantur, sed ab ipsis Imperatoribus  
in vulgus pessimis exemplis propaga-  
bantur. Natus enim tempore Tiberij,  
sub inquinatissimi & crudelissimi prin-  
cipis imperio tredecim annos uixit.  
Vidit postea immania scelera Caij Calig-  
ulæ, Claudij, Neronis. Postea fuit  
spectator tristissimæ laniænæ, ubi tres  
Imperatores deinceps sese mutuo con-  
fecerunt, Galba, Otho & Vitellius, &  
secum penè Imperij uires euerterunt,  
quas postea tamen rursus conatus est  
excitare Vespasianus pater, qui etiam  
disciplinam morum seuerioribus legis  
bus cohercuit. Sed Imperium eius non  
multum ultra nouem annos durauit.  
In tali morum corruptione, & bellos-  
rum intestinorum rabie qui uiuunt,  
ægrè effugiunt, quin aliquid commu-  
nium uiciorum ipsi quoq; imbibant, ut  
non facile contagium & infectionem  
effugitis, qui in pestilente aëre diutius

B

uersari

uersari cogitur. Ex huius seculi prauitate hic noster Author illas impias & Epicureas opiniones hausit, quod negat Deum esse alium quam mundum, tollit prouidentiam, & irridet eos, qui credant inferos esse, aut animas separatas à corporibus supereffe ac uiuere.

Cæterum mores eius non perinde inquinatos fuisse, temperantia ipsius & indefessa assiduitas arguit, quæ uirtutes præcipua sunt ceu ἀλεξήτρια, contra plurimos uiciorum morbos. Idem probat etiam amicitia Vespasiani Imperatoris, cuius integritas & seueritas in morum disciplina laudata admodum est in Historiis, quemadmodum filij quoque Titi, quibus ambobus cum Plinius carus & familiarissimus fuerit, non est uerisimile, eum sui seculi licentiam in moribus usurpasse.

Eruditio eius autem cum excellens esset, illo, de quo postea dicetur, ardenti studio comparata, latere non potuit. Itaque etiam à prioribus Imperatoribus,

ribus, præcipue uerò postremis duobus, quos dixi, ad dignitates militares euectus est. Ordines autem & turmas duxit in Hispanijs & Africa, præcipue uerò in Germania nostra, in qua ita diu uersatus est, ut conquisitis & perlustratis diligenter annalibus, omnia bella, quæ cum Germanis ad sua usq; tempora à Romanis gesta fuerant, descripserit, uiginti ea uoluminibus complexus, qui libri si extarent, haberemus haud dubie & regionum & populorum Germanicorū certissimam descriptionem, quam nunc sæpe cum dolore desideramus.

Commendatæ etiam ei fuerunt ab aliquot Imperatoribus rerum Imperatoriarum procurationes, in quibus cum fidem & diligentiam suam Principibus probasset, peruenit ad magnas opes.

Præcipuum autem, cur de hoc auctore mihi hic dicendum putarem, est illius incredibile studium legendi & annotandi ea, quæ inter legendum obseruatione digna occurrerunt, quam assidue

B ij duitatem



duſtatem ipſius luculenter deſcripſit ſor-  
roris filius Plinius Iunior in Episto-  
la quadam ad Cęcilium, in qua dicit, auun-  
culum ſuum ne quidem curę corporis  
operam dediffe, aut cęnaſſe ſine lectio-  
ne librorũ aut auſcultatione. Surrexiſ-  
ſe plerunq; ſecunda hora noctis, ut nos  
numeramus, interdũ prima, ſępe etiam  
media nocte, ſicut ipſe teſtatur Plinius,  
ſe cum ſomno ualeitudinem computaſ-  
ſe, hoc eſt, ſomno non plus temporis  
impendiſſe, quam ualeitudini tuendę  
neceſſarium eſſet. Et ait idem, ſe dies to-  
tos imperatorijs negocijs & officio com-  
miſſo tribuiſſe, nocturnas uerò horas  
plerasq; ſcribendo conſumpſiſſe. Iter-  
faciens ideo lectica uſus eſt, ut totum id  
tempus tribuere lectioni & annotationi  
poſſet.

Deniq; ita libris affixus fuit, quo-  
ties ab officijs publicis & aulicis occu-  
pationibus uacuus fuit, ut eos ex manib;  
bus non deponeret, & omne tempus  
perjiſſe exiſtimaret, quod ſtudijs non  
impertitus

impertitus fuisset. Hac ille uir diligētia, hac assiduitate, hoc ardenti studio discendi, consecutus est eam, quam in eius scriptis nemo non miratur rerum abstrusarum & diuersissimarum copiam. In his ipsistamen occupationibus, scripsit etiam alios multos libros. Nam & suorum temporum historiam complexus est uno & triginta uoluminibus, & alia scripta edidit, cum tamen non ultra annum sextum & quinquagesimum ætatis uixerit.

Ac ut de morte quoque ipsius ea, quæ certo tradita sunt ab eodem Plinio iuniorē in alia epistola, breuiter cōmemorem hæc ipsa semper discendi, plura & explorandi et annotandi insatiabilis cupiditas ei causa exitij fuit. Nam cum secundo anno Imperatoris Titi, qui ante decennium Ierosolymorum Templum & urbem incendio uastauerat, Mons Campaniæ Vesuius in summo uertice ruptus, ingentem nubem cineris & uaporis sulphurei, mixti exelis pumicum  
B in lapidibus,

lapidibus, una cum flammis eiacularetur, Plinius, qui praefectus tunc classis Romanae, Misenum portum tenebat, unde assurgentem illum fumum cernere procul potuit, ut causam huius mirandi incendij propius cognosceret, nauis Liburnica secundo uento aduectus est. Sed cum ingruente iam propius incendio, & omnibus circa locis alto cinere & congerie pumicum electorum oppletis, ipse regredi aduersus uentum non posset, quo secundo accesserat, altero die, quam eo uenerat, Stabijs inter manus suorum collapsus moritur, praefocatus, ut existimant, sulphurei uaporis, & cinerum ac fuliginis attractae per respirationem copia. Accidit autem hoc Vesuuji horrendum incendium anno, ut dixi, altero & ultimo imperij Titi Vespasiani, qui post paucos menses ipse quoque pestili febre extinctus est, qui fuit annus post Christi natalem octuagesimus secundus, aetatis autem Plinij, ut dictum est, sextus & quinquagesimus, & Climactericus octauus.

Hac

Hec de autore nostro breuiter commemorare uolui, maxime eam ob causam, ut cum auditores in hoc authore innumerabilium & arcanarum rerum scientiam ex plurimorum scriptis excerpnam, & optimo ordine distributam inuenient, cogitent, quomodo illam tam multiplicem eruditionem uir adeo cæteris negotiis, militaribus, urbanis, aulicis, domesticis occupatus, consequi potuerit, Nimirum non somno, conuiujs, lusu, obambulationibus & similibus friuolis occupationibus: sed cum esset acri ingenio præditus, & flagrant cupiditate teneretur plurima cognoscendi, adhibuit eam legendi & scribendi assiduitatem, & temporis parsimoniam, ut nullam sibi horam effluere patreretur, quietus saltim ab alijs necessarijs occupationibus, cuius sibi recte collocata in studijs ratio non constaret.

Ad hanc igitur tam indefessam & nobis uix credibilem diligentiam hominis tam potentis, tam locupletis, tam

B iij

deniq;

deniq; occupati, quæso mihi parumper  
saltem conferte nostro hoc seculo dis-  
scientium operas & studium, ut uidea-  
tis, quàm nihil simile apud multos, qui  
etiam non prorsus ignaui haberi uo-  
lunt, inueniatur. Multi sunt in ea opi-  
nione, ut se munere scholastici egregie  
functos arbitrentur, si interdum unam  
atq; alteram lectionem publicam au-  
dierint, & reliquam partem diei, quasi  
ualde defatigati, illa auscultatione, ad  
refectionem uirum absumptarum sci-  
ficet, instrumentis Musicis, deambula-  
tionibus, aut etiam comotationibus  
consumant. Non adhibent eorum, quæ  
publicè audita sunt, domesticam repe-  
titionem, non lectionis, scriptonis, pro-  
nunciationis, memoriæ ullum uel rari-  
ssimum exercitium. Non conantur ser-  
monem suum ad eorum imitationem  
formare, qui purissimè & propriissimè  
locuti sunt, contenti hoc uulgari & im-  
proprio, & sæpe etiam mendoso oratio-  
nis genere, quod usu tantum, sine iudi-  
cio,

cio, sine cura mundicie & proprietatis, audientes alios simili negligentia loquentes, sibi obiter compararunt. Et quod perniciosissimum est, omnes iam ferme sibi ipsi præceptores esse uolunt, paucissimi sunt, qui existimant, sibi gubernatore studiorum & manu ductore opus esse. Itaque cum diligentes esse uolunt, sumunt suo arbitrio authorem aliquem priuatim legendum, non quem ratio & ordo studiorum postulabat, sed qui in præsentia iucunditatis aliquid afferre existimatur. Eius uix dum bene inspecti obrepit fastidium, quæritur ex theca libraria alius codex, iam Poetæ lectio placet, iam historiæ cognitio ducitur utilior, iam præfertur oratorium aliquod scriptum, breuiter multi libri inchoantur, nullus perlegitur, & lectio ipsa comparata est ad uoluptatem tantum, non ad observationis & imitationis studium. Eodem fastidio etiam lectiones audiuntur, iam hæc eligitur, mox, quia aut immoratur diutius Le-

B v      clor,

Et or, aut festinat nimium, aut alioqui  
res, quæ ibi proponuntur minus habent  
suauitatis, omiſſa priore lectione, addi-  
tur alia, & nullius ſcripti explicatio in-  
tegra expectatur. Hac obsecro ratione  
discendi, tam delicata, tam fastidiosa,  
tam instabili, sperare quicquam fructum  
dignum tantis sumptibus, tanto impen-  
dio temporis audet? At non fuit tanta  
segnities superioris ætatis, ubi tamen  
multo maiores ex alijs etiam causis diffi-  
cultates discantibus obijciebantur. Non  
habebant istam, quam nunc uos uilif-  
simo parabilem, omnium Scriptorum  
in Græca & Latina lingua, copiam. Si  
quis Græcum scriptorem aut Latinum  
paulò remotiorem ab usu communi  
cognoscere uolebat, aut magno sum-  
ptu ex Italia usq; illum petere, aut plu-  
rimo labore & uigilijs, cum ualeitudi-  
nis etiam periculo, describere cogebat-  
tur. Nondum erant ita illustratæ artes,  
sed obrutæ ineptissimorum commen-  
tariorum prolixis & insulsis nugis, quas  
ubi

ubi magno labore euolueras, minus aliis  
quanto authoris sententiam assequebaris,  
quam antea, & discedebas cum Demiphone  
Terentiano fremens: Fecistis probe,  
incertior sum multo, quam dudum.

Nihilominus tamen in illa ipsa &  
codicum penuria, & artium obscuritate,  
& recte docentium paucitate, & in  
illis initijs repurgatae linguae Latinae &  
Graecae, multi excellenter docti euaserunt,  
quorum adhuc hodie partim uoce,  
partim lucubrationibus, cum summa  
studiorum nostrorum utilitate fruimur,  
qui certe uiri in illis discendi difficultatibus,  
nunquam ad id fastigium eruditionis  
peruenissent, si molliter ac delicate labores  
discendi capessere uoluissent, si per  
interualla & fastidiosae librorum situ  
& puluere obductos, leuiter aspexissent,  
ac mox denuo abiecissent, si maiorem  
partem diei ignauo ocio aut friuolis  
occupatiunculis consumpserissent, ut nunc  
plurimique faciunt: Sed quia



quia in iuuenili ætate serio amore discendi flagrant, & adhibebant indefessum studium, ac constantiam uincentem aliquas molestias, & certo ordine, quem privati aut publici studiorum rectores monstraauerant, per artium circulum incedebant, & semel inchoatum librum non nisi diligenter perlectum ex manibus deponebant, & publicis lectionibus priuata exercitia tum linguarum, tum styli adiungebant, & sæpe cum æqualibus de locis obscurioribus conferebant, & in uita ac moribus sobrietatem, modestiam, ac erga præceptores suos obseruantiam colebant: perueniunt ad hanc eruditionis laudem, qua nunc fulgent, ac nobis totiq; posteritati utiliter seruiunt. Horum nos exempla imitari decebat, quoties eos intuemur, quoties eorum uoces auribus haurimus, aut scripta aspiciamus, præsertim cum nobis multò ad discendum plures occasiones diuina clementia hoc tempore tribuerit, quas præceptores nostros

nostros se non habere potuisse tunc in  
adolescētia sua, sæpe deplorare audia-  
mus.

Pudeat igitur nos ignaviæ nostræ,  
quod tantis cumulati commoditatibus  
& occasionibus, ita segniter in studiis  
versamur, & non aliter libros attingi-  
mus, quàm delicatuli cum rosas decera-  
punt, spinarum aculeos formidantes,  
manum subinde retrahunt. Doleat  
nobis dispendium, non pecuniæ modo,  
sed præcipue temporis sine fructu con-  
sumpti, rei omnium preciosissimæ, & ubi  
semel perijt, damni irrecuperabilis. Sua  
beat nobis cura de reddendis rationibus,  
quas à nobis exigent aliquando  
præceptores nostri, iuste exprobrantes  
nobis, quod lucem doctrinarum, quam  
ipsi summis cum difficultatibus, maxi-  
mis laboribus, & non sine periculis  
denuo accensam apud nos deposuer-  
unt, nostra inertia & socordia passi si-  
mus interciderē & extingui.

Præcipue autem nos moveat man-  
datum

datum Dei, ut maiorem in discendo assiduitatem præstemus, qui nobis in hanc scholasticam stationem uocatis, suæ doctrinæ possessionem & propagationem seriô cōmendauit, & eo grauiores de nobis pœnas sumet, quo pluribus nos discendi occasionibus quasi obruit, si eas flagitiose neglexisse uidebimur.

Certissimum est autem doctrinam Ecclesiæ incorruptam, & synceram sine multiplici eruditione & linguarū cognitione retineri & propagari non posse. Quare si uerbum diuinitus traditum magnificimus, si Ecclesiæ nos ciues ac membra agnoscimus, eiq; nos totos debere fatemur, ut æquissimum est, summa cura in id incumbamus, ut literis politioribus & artibus necessarijs ita nos instruamus, ut possessionem cœlestis doctrinæ retinere ipsi, & tradere liberis ac posteris nostris possimus.

Auat discendi curam & assiduitatem etiam horū temporum incertus status, & impendentium mutationum & uastationum non falso conceptus metus,

tus, ut dum tranquillitas conceditur, instruamus nos rerum necessariarum cognitione, ut possimus esse fideles custodes tantorum bonorum, quibus Deus Ecclesiam huius postremi temporis mundi ornauit.

Licuit superiore ætate discentibus aliis quanto lentius in studiis uersari, & non tam utilitatem, quam etiam iucunditatē aliquam ex ijs uenari, cum tempora lætissima fuerunt, & tranquillitas in re publica tanta, ut collatum illud seculum ad hanc tumultum, certaminū ac confusionum fecundissimam ætatem nostram, aureum seculū uideri potuerit. At tunc etiam multò ardentius fuit studiū plerorumq; cū nullus calamitatum metus urgeret, quā nunc est, ubi ferē singuli dies aliquos novos terrores adferunt, qui dissipationem Scholis minitantur. Cur non igitur imitamur cautos & diligentes agricolas, qui maturis iam frugibus, cum tempestatis aut imbrium signa aliqua ingruunt, omnes occupationes alias, uoluptates, curas postponentes,

nentes, nec iumentis, nec familiæ, nec  
 corporibus suis parcut, aut quietem  
 ullam concedunt, donec raptim de-  
 messis, congestis & importatis frugibus,  
 tempestatum iniurias & uiolenti-  
 am anteuertant? Cur nos stertimus,  
 & tam segniter studia tractamus, quasi  
 polliceri nobis uitam Mathusalæ ætati  
 æqualem possimus, ut quod hoc anno  
 non didicerimus, sequentibus annis  
 nos speremus satis tempestiuè consecu-  
 turos? Conqueritur de unica arte Me-  
 dica, Medicus eruditissimus Hippocra-  
 tes, ampliorem eam esse, quam quæ in  
 hac uitæ humanæ breuitate perdisci-  
 queat, cum inquit: ὁ βίος βραχύς, ἡ δὲ  
 τέχνη μακρὴ, ὁ δὲ καιρὸς ὀξύς. Quid nos  
 faciemus, quibus plures artes aut co-  
 gnoscendæ aut certe degustandæ, &  
 propemodum quatuor linguæ discen-  
 dæ sunt? & ad hæc ipsa tam uaria & dif-  
 ficilia studia temporum horum incoeli-  
 citas, parum tranquillitatis concessura  
 uideretur. Turcica rabies grassatur in-  
 dies

*Hippocras*  
*His.*

dies & longius & leuius, et nō modo in  
testinis nostris disidijs inuitatur, sed at  
trahitur etiā foedissimis foederibus et pa  
ctiōibus. In Germania tanta est Principi  
pum dissensio, & inter ipsos diffidentia,  
ut homines intelligentes nihil magis  
metuant, quā nouorum bellorum in  
cendia, uel priorum agrē sopitorum  
flammis denuō erumpentibus, maiores  
uastationes. Hæc pericula cum nos cire  
cumstent, non iam est integrum nobis  
ociosis circumspectare & cessare, aut  
alias res agere, sed quemadmodum nau  
ta faciunt, qui, dum secundis uentis usi,  
aliquandiu remigandi laborem remissa  
runt, & corpus ac animum quiete &  
lulibus recrearunt, ubi uel uentis desti  
tuuntur, uel contrarijs repelluntur, uel  
tempestatū signa animaduertunt, mox  
ad remos & rudentes accurrunt, & com  
missum quisq; munus strenuē & cū ma  
ximo corporis & animi conatu cape  
sunt & exequuntur: ita nos decet im  
pendentibus tot periculis, quæ nobis

C

scholarum

ſcholarum diſſipationem & doctrinarum  
obſcurationem minantur, ſummo ſtu-  
dio & contentione anniti, ut nos quan-  
tum omnino fieri poteſt, neceſſariarum  
artium doctrina inſtruamus, geminam  
ob cauſam: Primum, ut in comuni-  
bus calamitatibus ipſi firmam conſolati-  
onem & ſpem habere poſſimus æternæ  
ſalutis, quicquid etiam in hac uita nobis  
accidat, & mitigationis quoque poenarum,  
quam Deus poenitentibus & ſui  
officium ſedulò facientibus, ſæpe pro-  
mittit. Deinde, ut ij, quos in commu-  
ni naufragio Deus emergere & ſuper-  
eſſe uoluerit, ſedata nonnihil tempeſta-  
te, fractæ nauis tabulas quaſi colligere,  
& ruinas ſub quiſque loco & ordine pro-  
miri ſarcire queant, efficereque, ut lumen  
celeftis doctrinæ & utilium artium  
rurſus excitetur & conſeruetur.

Hanc commonefactionem de ſedu-  
litate in literarum ſtudio, fortassis ali-  
quibus inſuauem, ſed omnino hoc ni-  
ſiſ delicato & molli & uoluptario ſæ-  
culo

cuto nostro necessariam, ideo instituenda duxi, quia cum de Plinio aliquid dicendum hic esset, eius incredibile studium & temporis parsimoniam mihi causam praeiuit, ut hanc nostram socordiam deplorarem, & cum huius authoris, tum superioris ætatis exemplo me & alios ad diligentiam exuscitarem, sine qua uirtute nihil in ullo genere uitæ efficiat comparari ualde dignum potest, & uerissime dixit Hesiodos: *ἄνθρωπος ἀνθρώπων ἀντιπαύειν*.

Incipit Orationem ad Deum æternum patrem Domini nostri IESU CHRISTI  
ut ipse in nobis excitet amorem, & studium cognoscendæ & propagandæ ueritatis, & discipulorum cœtus & hæc scholarum hospitia protegat, & præceptores, quos singulari bonitate nobis fideles præbuit, diu incolumes conseruet.

**D LXXI.** Incipit orationem ad Deum  
C ii C, Plinius



# C. PLINIVS CAECILIVS

Marco suo S.

**P**Ergratum est mihi, quòd tam diligenter libros auunculi mei lecturas, ut habere omnes uelis, quarasq; qui sint. Fungar indicis partibus, atq; etiam quo sint ordine scripti, notum tibi faciam. Est enim hac quoq; studiosis non iniucunda cognitio. De iaculatione equestri unus. Hunc cum praefectus ala militaret, pari ingenio curasq; composuit. De uita Q. Pomponij Secundi duo, à quo singulariter amatus, hoc memoriae amici quasi debitum munus exoluit. Bellorum Germaniae uiginti, quibus omnia, quae cum Germanis gessimus bella collegit. Inchoauit cum in Germania militaret, somnium motus. Adstitit enim ei quiescenti Drusus si Neronis effigies, qui Germaniae latissime uictor ibi perijt. Commendabat memoriam suam, orabatq; ut se ab iniuria obliuionis assereret. Studiosi tres in  
sex

sex uolumina propter amplitudinem  
diuissi, quibus oratorem ab incunabulis  
instituit & perficit. Dubij sermonis  
octo scripsit sub Nerone nouissimis an-  
nis, cum omne studiorum genus paulò  
liberius & erectius periculosum seru-  
tus fecisset. A fine Aufidij Bassi XXXI.  
Naturæ historiæ XXXVII. opus  
diffusum, eruditum, nec minus uarium,  
quam ipsa natura. Miraris, quod tot  
uolumina, multaq; in ijs tam scrupulosa  
homo occupatus absoluerit. Magis mi-  
raberis, si scieris illum aliquandiu cau-  
sas actitasse, decessisse anno VI. & L.  
medium tempus distentum impedi-  
tump, quæ officijs maximis, quæ am-  
icitia Principum egisse, sed erat acce-  
genium, incredibile studium, summa  
vigilantia. Lucubrare à Vulcanalibus  
incipiebat, non auspiciandi causa, sed  
studendi statim à nocte multa; hyeme  
uero ab hora septima, uel cum tardis-  
sime, octaua, sæpe sexta. Erat sanè somni  
parcissimè, nonnunquam etiam inter

C iij

ipsa

ipsa studia instantis & deserventis. Ante  
lucem ibat ad Vespasianum Imperato-  
rem : nam ille quoque noctibus uteba-  
tur : Inde ad delegatum sibi officium.  
Reversus domum, quod reliquum tem-  
poris, studiis reddebat. Post cibum saepe,  
quem interdum leuem & facilem ver-  
terum more sumebat, aestate, si quid occi-  
debat in Sole, liber legebatur, adno-  
tabat, excerpebatque. Nihil enim un-  
quam legit, quod non exciperet. Di-  
cere etiam solebat, nullum esse librum  
tam malum, ut non aliqua ex parte pro-  
desset. Post Solem plerumque frigida la-  
uabatur. Deinde gustabat, dormiebatque  
minimum. Mox quasi alio die stude-  
bat in coenae tempus. Super hanc liber  
legebatur, annotabatur, & quidem  
cursim. Memini quendam ex amicis,  
cum Lector quaedam pronunciasset  
perperam, revocasse & repeti coegisse.  
Huic auunculum meum dixisse : intel-  
lexeras nempe : cum ille annuisset, cur  
ergo revocabas : decem amplius versus  
hac

hac tua interpellatione perdidimus.  
Tanta erat parsimonia temporis. Surg  
gebat æstate à coena luce, hyeme intra  
primam noctis, sed tanquam aliqua le  
ge cogente. Hæc inter medios labores  
urbisq; fremitum. In secessu solum ba  
linei tempus studiis eximebatur. Cum  
dico Balinei, de interioribus loquor.  
Nam dum distringitur tergiturq; audi  
ebat aliquid aut dictabat. In itinere  
quasi solutus cæteris curis, huic unius  
cabat. Ad latus notarius cum libro &  
pugillaribus, cuius manus hyeme ma  
nicis muniebantur, ut ne cœli quidem  
asperitas ullum studiis tempus eriperet.  
Qua ex causa Romæ quoq; sella uehe  
batur. Repeto me correptum ab eo, cū  
ambularem: Poteras, inquit, has horas  
nō perdere, Perire enim omne tempus  
arbitrabatur, quod studiis non impertir  
retur. Hac intentione tot ista uolumina  
peregit, electorumq; commentarios  
CLX. mihi reliquit, Opisthographos  
quidem & minutissime scriptos: qua

C iij

ratione

ratione multiplicatur hic numerus. Res-  
ferebat ipse, potuisse cum procuraret in  
Hispania uendere hos cōmentarios Lar-  
gio Licinio CCCC. milibus nummū, &  
tunc aliquanto pauciores erant. Nonne  
uidetur tibi recordanti, quantū legerit,  
quantum scripserit, nec in officijs ullis,  
nec in amicitia Principum fuisse. Rursus  
cum audis, quid studijs laboris impen-  
derit, nec scripsisse satis nec legisse. Quid  
est enim, quod non aut illæ occupatio-  
nes impedire, aut hæc instantia non pos-  
sit efficere? Itaq; soleo ridere, cum me  
quidam studiosum uocant, qui si com-  
parer illi, sum desidiolissimus. Ego aut  
tantum, quem partim publica, partim  
amicorum officia distringunt. Quis ex-  
istis, qui tota uita literis assident, colla-  
tus illi, non quasi somno & inertia de-  
ditus erubescat? Extendi Epistolam,  
quamuis hoc solum quod requirebas  
scribere destinassem, quos scilicet libros  
reliquisset. Confido tamen hæc quoq;  
tibi non minus grata, quam ipsos libros  
futura

futura, quæ te non tantum ad legendos  
eos, uerum etiam ad simile aliquid elab-  
orandum possunt æmulationis stimu-  
lis excitare. Vale.

## C. PLINIVS TACITO

suo S.

**P**Etis ut tibi auunculi mei exitum  
scribam, quo uerius tradere postea  
ris possis? Gratias ago. Nam uideo  
morti eius, si celebretur à te, immortas-  
lem gloriam esse propositam. Quam-  
uis enim pulcherrimarum clade terras-  
rum, ut populi, ut urbes memorabili  
casu, quasi semper uicturus, occiderit,  
quamuis ipse plurima scripserit, plura  
tamen perpetuitati eius scriptorum tuo-  
rum æternitas addet. Equidem beatos  
puto, quibus Deorum munere datum  
est, aut facere scribenda, aut scribere les-  
genda: beatissimos uerò quibus ut-  
truncq. Horum in numero auunculus  
meus & suis libris & tuis erit. Quo li-  
bentius suscipio, depono etiam quod

C v

iniungis.

iungis. Erat Miseni, classemq; imperio  
præsens regebat. Cal. Nouemb. hora se-  
re septima, mater mea indicat ei, appa-  
rere nubem inusitata & magnitudine  
& specie. Surgit ille ut è Sole solebat,  
frigida gustata: iacens enim studebat.  
Poposcit soleas, ascendit locum, ex quo  
maximè miraculum illud conspici po-  
terat. Nubes, incertum procul intuen-  
tibus, ex quo monte, Vesuium fuisse  
postea cognitum est, oriebatur: Cuius  
similitudinem & formam non alia ma-  
gis arbor, quam pinus expresse-  
rit. Nam longissimo uelut trunco efflata in altū  
quibusdam ramis diffundebatur. Cre-  
do quia recentis spiritu euecta, dein se-  
nescente eo destituta, aut etiam pon-  
dere suo uicta, in latitudinem uanesce-  
bat, candida interdum, interdum sordi-  
da & maculosa, prout terram cinerem  
ue sustulerat. Magnum id propiusq;  
nosendum, ut eruditissimo uiro, uisum  
est. lubet Liburnicam aptari, mihi si ue-  
nire unā uellē, facit copiam. Respondi,  
studere

studere marmelle : & forte ipse , quod  
scriberem , dederat. Egrediebatur do-  
mo, accepit rodicillos Retinæ clastarij  
imminente periculo exterriti nam pilla  
ea subiacebat, nec ulla nisi navibus fu-  
ga, ut se tanto discrimini eriperet, orabat.  
Vertit ille consilium, & quod studioso  
animo inchoauerat, obijc maximo. De-  
ducit quadriremes, ascendit ipse, nō Re-  
tinæ modo, sed multis (erat enim fre-  
quens amœnitas oræ) laturus auxiliū.  
properat illuc, unde alij territi fugiunt,  
rectumq; cūsum, rectaq; gubernacula  
in periculum tenet, adeo solutus metu,  
ut omnes illius male motus, omnes figu-  
ras, ut deprehenderat oculis, diceret  
enotaretq;. Iam navibus cinis inciderat  
quo propius accederet, calidior & dens-  
sior iam pumices etiam nigriq; & ambu-  
sti, & fracti igne lapides : iam uadum sus-  
bitum, ruinaq; montis littora obstantia.  
Cunctatus paululum, an retro flecteret,  
mox gubernatori, ut ita faceret monem-  
ti: Fortes, inquit, fortuna iuvat Pompo-  
nianum



nianum pete. Stabijs erat, paruenatq;  
sinu medio. Nam sensim circumactis  
curuantisq; littonibus mare infunditur.  
Ibi quanquam nondum periculo ap-  
propinquant, conspicuo tamen, & cū  
cresceret, proximo, sarcinas contulerat  
in naues, certus fuga, si contrarius uen-  
tus refedisset. Quo tunc aunculus me-  
us secundissimo inuectus, complectitur  
trepidantem, consolatur, hortatur: utq;  
timorem eius sua securitate leniret, de-  
ferri se in balneum iubet. Lotus accu-  
bat, coenat, atq; hilari, aut (quod aequē  
magnum est) similis hilari. Interim ē  
Vesuvio monte pluribus locis latissime  
flamma atq; incendia relucebant, quo-  
rum fulgor & claritas tenebras noctis  
excipiebat. Ille agrestium trepidatione  
igni relictas desertasq; villas per solitu-  
dinem ardere, in remedium formidinis  
dictitabat. Tum se quieti dedit, & quie-  
vit uerissimo, equidem somno. Nam  
meatus animæ, qui illi propter ampli-  
tudinem corporis grauior & sonantior  
erat,

erat, ab ijs, qui dūmni obuersabantur,  
audiebatur. Sed mox per qua dicta adia  
batur, ita iam citius mixtisq; pumicis  
bus oppleta surrexerat: ut si longior in  
cubiculo mora esset, exitus negaretur.  
Excitatus procedit, usq; Pomponiano  
exterisq; qui peruiusq; reddidit: In  
commune consultant, intra recta se sub  
sistant, an in aperto uagentur: nam cre  
bris uasisq; tremoribus recta nūta  
bant, & quales emota sedibus suis, nūc  
huc nūc illuc abire aut reseri uideban  
tur. Subdiq; rursus quāquam reuerti  
enesonūq; pumicū calis mēteba  
tur, quod tamen maiora collatio elegit.  
Et apud illum quidem ratio rationem,  
apud alios timore timor uicit. Ceruic  
calia capicibus imposita linteis confina  
gant. Id munimen aduersus inciden  
tia fuit. Iam cūtes alibi, ille non omnibus  
noctibus nigelor, uentisq; quam ta  
men facies multa sentiat lumina solue  
bant. Placuit ingredi in litus & ex pro  
ximo aspice, quid iam mare admitter  
ret, quod adhuc uastū & aduersum per  
manebat,

manebat, ibi suppetrabat lectum linteum  
recubans sed, atq; itentum frigidam pos-  
poscit hausitq;. Deinde flammæ flamma  
rumq; præstantius odor sulfuris alios in-  
fugam vertunt, exoriant illum, qui in-  
nixus sequis dupbus afforrexat, & statim  
concidit (vix ego obiectiq;) crassiore ca-  
ligine spiritus obstructo, clausoq; sto-  
macho, quille naturæ inq; alidus, & an-  
gustus, & frequenter inq; gtuans erat.  
Vbi dies reddidit, is ab eo, quem non  
uissimè uiderat tertius, corpus inueni-  
tum integrum, illigum, opertumq; in-  
fuerat, indurito. Habitus corporis quis  
escenti quam defuncto similior. Interim  
Miseni, ego & mebrum. Sed nihil ad hi-  
storiam. Nec tu alio quàm de exitu  
eius scire uoluisse. Siquid ergo faciam,  
Vnum adiciam. Quam me, quibus  
interfueram, quib; statim, cum maxi-  
me uera memosantur, uideram, persea-  
cutum. Tu potissima exterpes. Aliud  
est enim Epistolam, aliud Historiam,  
aliud amico, aliud omnibus scribere.  
Vale.   
 & uisum uult; bo. p. p. p.









89 L 1





